



Na prome luga ta bon pa nos analisa e situacion bao di cual e organizacion di consumidor a keda funda.

Aruba a drenta Status Aparte na 1986 bao di un situacion dificil. Ayera 29 di maart ta net 30 aña cu LAGO a cera su portanan. Cooperativa CORUBA cu centro di benta principal na porta di LAGO y cu influencia grandi riba prijsnan di alimento riba mercado tambe ta cera su portanan na 1987.

Aruba a tuma leynan di Antias over, pero no ta aplica "Ley di Prijs"; ningun producto tin prijs maximo stipula y no ta efectua control ni riba e obligacion cu tur producto mester tin un indicacion di prijs. Prijs di tur producto tabata a bay for di man. Medio 1989 a tuma iniciativa pa bolbe lanta cooperativa o lanta un organizacion di consumidor.

Cu sosten di Ministro Daniel Leo, tambe di Sra. Alcantara di FKK di Corsou na maart 1990 fundacion Consumi-

dornan Arubano Solidario - C.A.S. a keda lanta.

Control di Prijs.

Gobierno di Aruba a sostene pa C.A.S. por tin tres persona den servicio; un oficinista y dos controlado; un situacion cu no a cambia; solamente na luga di 2 controlado cu 8 ora pa dia C.A.S. por a cambia esaki pa cuatro controlado di 4 ora pa dia. Awe C.A.S. tin solamente dos controlado pa 4 ora pa dia.

Banda di gobierno hopi ta esunnan cu a y ta kere cu e trabao di C.A.S. ta control di prijs; en realidad e tareanan ta hopi mas amplio. Na prome luga organizacion di consumidor ta vigila e cumplimiento cu e 8 derechonan fundamental di consumidor, di cual e ultimo ta awor e number un: e derecho di e consumidor di por satisfice su necesidadnan basico.

E tarea primordial di C.A.S. ta pa informa y conscientisa e consumidor riba su derechonan, riba e practicanan riba mercado y e importan-

Fundacion C.A.S. 25 aña di existencia

cia di su posicion y decisionnan cu e ta tuma. E atencion primordial tabata dirigi na mehora e proteccion pa consumidor, informa e consumidor di su derechonan y di e situacion riba mercado y di producto y servicionan.

Na momento cu C.A.S. a keda funda e movimiento di consumidor mundialmente tabata caracteriza pa un lucha pa "value for money"; balor pa placa!. Den tur compra bo mester ricibi trato husto den cual calidad y cantidad mester ta conforme cu e prijs cu bo ta paga. Segun desaroyonan esaki ta cambia pa un lucha mas amplio y mas profundo: "value for people"; balor pa hende!. Ultimo decada esaki ta bira mas fuerte ainda "value for life"; balor pa bida!. Mester percura pa otro generacionnan tambe por tin bon y miho calidad di bida riba nos planeta; mester percura pa un desaroyo sostenibel!.

Tarea cu a existi mas tempo ta compra cu problema; keho y conseho riba contractonan cu no ta conveni e consumidor. Keto bay banconan, seguro nan y particularmente nos companianan di awa y electricidad tin "condicionnan general" cu ta abusivamente inconveniente pa e cliente.

Kico a pasa den e ultimo 25 aña cu proteccion pa consumidor, lo ta topico cu lo wordo trata awe nochi na evento organisa pa fundacion C.A.S. na Club Trappers pa 7.30 pm.

Banda di esaki lo trata e fayonan den representacion di

interesnan di e ciudadano, di e consumidor y di e fayon di percura di ta representa e opinion di esunnan concerni y di ta percura pa presenta informacion necesario riba asuntunan pa asina por tuma posicion rasonabel.

Tambe awe fundacion C.A.S. a base di evaluacion ta determina pa transforma funcionamiento di e organizacion y adapta na un situacion nobo pa por logra cambio y mehoracion pa e ciudadano; esaki basa riba e siguiente puntonan di salida:

1. Na momento cu bo ta mantene balornan y principionan, asunto di donacion, subsidio o sponsor no por bira problema; e maneho y interesnan di esnan cu ta juda NUNCA mag influencia e organizacion. Esaki ta haci imperativo cu e organizacion lo mester trata di autofinancia su mes. E ta un di e promer mocionnan tambe acepta den di 1-er conferencia di C.A.S. na 1991.

2. Practicamente tur asunto ta di interes pa e consumidor; esaki ta rekeri un organizacion den cual e participacion di consumidor lo mester ta ampliamente regla. Un fundacion no conoce miembronan y no ta e mihor modelo pa promove democracia.

3. Reparticion o segmenta e organizacion den diferente sub-organizacion ta debilita e posicion di e consumidor y ta dificulta e representacion di e interesnan.

4. Balor y principionan ta

nifica - cu lo mester bin cambio den e sistema -;

Ser un organizacion - den e sistema - pa mantene e sistema -, na ingles "embedded" den e sistema lo conduci na un organizacion cu ta trata di resolve problemanan cu ta surgi den e sistema, pero NO ta busca di elimina e CAUSA di e problemanan.

Ta momento pa scoce entre ser un organizacion pa trece cambio!

Banda di reflexiona awe riba e ultimo 25 anjanan, ta importante manda un mensahe di gratitud na tur esnan cu como dirigente, colaborador, trahador o sostenedor durante e periodo a contribui segun nan tabata por cu e organizacion te cu awe. Hopi danki na un y tur y C.A.S. ta spera cu mesun animo y mayor participacion e lucha lo continua pa e causa noble di un bida digno y desaroyo humano pa logra biba digno y cu satisfaccion.

Tur colaboradornan y sostenedornan di C.A.S. ta keda invita pa awe nochi 7.30'pm. na Club Trappers.

d.r.p.d.:

Sr. Gregori Wolff,

Sr. Carlos

Ridderstap(q.e.p.d.)

Sr. Mario Tromp,

Sr. Fredis Refunjol,

Sr. R. Croes(notario), sr.

Leo Yarzagaray, Sr. Lucio

Croes, Sr. J.E.(Mechi)

Croes,

y sr. Rafael Zambrano.□